

景明刻本古今逸史

日
本
書
今
史

七

山海經第八

晉郭璞傳

明吳琯校

海外北經

海外自東北陬至西北陬者

無脊之國

音啓或作絜

在長股東為人無脊

脊肥腸也其人穴居食土

無男女死即埋之其心不朽死百廿歲乃復更生

鍾山之神名曰燭陰

燭龍也是燭九陰因名云

視爲晝瞑爲夜吹

爲冬呼爲夏不飲不食不息息爲風

息氣也

身長千里

在無脊之東其爲物人面蛇身赤色居鍾山下

淮南子曰

龍身
一足

一目國在其東一目中其面而居一曰有手足

柔利國在一目東爲人一手一足反膝曲足居上脚一

一手反
卷曲也 一云留利之國人足反折

共工之臣曰相柳氏共工霸九州者九首以食于九山頭各自食

一山之物言
貪暴難饜 相柳之所抵厥爲澤谿抵觸厥掘禹殺

相柳其血腥不可以樹五穀種禹厥之三仞三沮掘塞

之而土三沮滔言
其血膏浸潤壞地乃以爲衆帝之臺言地潤濕唯可積土以爲臺觀

在崑崙之北此崑崙山在海外者柔利之東相柳者九首人面

蛇身而青不敢北射畏共工之臺臺在其東臺四方

隅有一蛇虎色首衝南方衝猶向也

深目國在其東為人舉一手一目一作日在共工臺東

無腸之國在深目東一作南其為人長而無腸為人長大腹內

無腸所食之物直通過

聶耳之國在無腸國東使兩文虎為人兩手聶其耳

言耳長行則以手攝持之也音諾頰反縣居海水中縣猶邑也及水所出入

奇物言盡規有之兩虎在其東

夸父與日逐走入日言及日于將入也逐音胄渴欲得飲飲于河

渭河渭不足北飲大澤未至道渴而歿弃其杖化為

鄧林夸父者蓋神人之名也其能及日景而傾河渭豈以走飲哉寄用于走飲耳幾乎不疾而速不

行而至者矣此以一體為萬殊存亡代謝寄鄧林而遜形惡得尋其靈化哉

博父國在聶耳東其為人大右手操青蛇左手操黃

蛇鄧林在其東二樹木一曰博父禹所積石之山在

其東河水所入

河出崑崙而潛行地下至葱嶺復出注鹽澤從鹽澤復行南出于此山而

為中國河遂注海也書曰導河積石言時有壅塞故導利以通之

拘纓之國在其東一手把纓

言其人常以一手持冠纓也或曰纓宜作瘳

一曰利纓之國尋木長千里在拘纓南生河上西北

跂踵國

跂音企

在拘纓東其為人大兩足亦大

其人行脚跟不

着地也孝經鈞命訣曰一日大踵焦僥跂踵重譯款塞也

歐絲之野在大踵東一女子跪據樹歐絲

言噉桑而吐絲蓋蚕

也類三桑無枝在歐絲東其木長百仞無枝言皆長百仞也

范林方三百里在三桑東洲環其下洲水中可居者環繞也

務隅之山帝顓頊葬于陽顓頊號為高陽冢今在濮陽故帝丘也一日頊丘縣

城門外廣陽里中九嬪葬于陰嬪婦一日爰有熊羆文虎離朱

鵠久視肉

平丘在三桑東爰有遺玉遺玉玉石青鳥視肉楊柳甘柰

其樹枝幹皆赤黃華白葉黑實呂氏春秋曰其山之東有甘柰焉音如柰梨之柰甘華亦赤枝幹

黃華百果所生在兩山夾上谷二大丘居中名曰平丘

北海內有獸其狀如馬名曰騊駼陶塗兩音見爾雅有獸焉

其名曰駮狀如白馬鋸牙食虎豹周書曰義渠茲白茲白若白馬鋸牙

食虎豹按此二說與爾雅同

有素獸焉狀如馬名曰蛩蛩

即蛩蛩鉅虛也

一走百里見穆天子傳音叩

有青獸焉狀如虎名曰羅羅

北方禺彊人面鳥身珥兩青蛇踐兩青蛇

字玄冥水神也莊周

曰禺彊立于北極一曰禺京一本云北方禺彊黑身手足乘兩龍

山海經第八終

山海經第九

晉郭璞傳

海外東經

海外自東南陬至東北陬者

蹉丘

音嗟或作髮

爰有遺玉青馬視肉楊柳甘柎甘華甘

果所生在東海兩山夾丘上有樹木一曰嗟丘一曰

百果所在在堯葬東

大人國在其北爲人大坐而削船一曰在蹉丘北

奢比之尸在其北

亦神名也

獸身人面大耳珥兩青蛇

珥以

蛇貫耳也音
鈞餌之餌

一曰肝榆之尸在大人北

君子國在其北衣冠帶劒食獸使二大虎在旁其人
好讓不爭有薰或作
董華草朝生夕死一曰在肝榆之

尸北

重垂在其北

音

各有兩首

虹螭也

一曰在君子國北

朝陽之谷神曰天吳是爲水伯在重垂北兩水間其

爲獸也八首人面八足八尾皆青黃

大荒東經
東十尾

青丘國在其北

其人食五
穀衣絲帛

其狐四足九尾一曰在朝

陽北

汲郡竹書曰栢杼子征于東海
及三壽得一狐九尾卽此類也

帝命豎亥步自東極至于西極五億十選

豎亥健行
人選萬也

九千八百步豎亥右手把筭左手指青丘北一日禹

令豎亥一曰五億十萬九千八百步詩含神霧曰天地東西二億三

萬三千里南北二億一千五百里天地相去一億五萬里

黑齒國在其北東夷傳曰倭國東四十餘里有裸國

也異物志云西屠裸國東南有黑齒國船行一年可至

染齒亦以放此人爲人黑食稻啖蛇一赤一青一作青

蛇在其旁一曰在豎亥北爲人黑手食稻使蛇其一

蛇赤下有湯谷谷中水熱也湯谷上有扶桑扶桑木也十日所

浴在黑齒北居水中有大木九日居下枝一日居上

枝莊周云昔者十日並出草木焦枯淮南子亦云堯乃令羿射十日中其九日中鳥盡灰離騷所謂

羿焉畢日鳥焉落羽者也歸藏鄭母經云昔者羿善射畢十日果畢之及郡竹書曰胤甲卽位居西河有

妖孽十日並出明此自然之異有自來矣傳曰天有
 十日日之數十此云九日居下枝一日居上枝大荒
 經人云一日方至一日方出明天地雖有十日自使
 以次第迭出運照而今俱見為天下妖災故羿稟堯
 之命洞其靈誠仰天控弦而九日潛退也假令器用
 可以激水烈火精感可以降霜回景然則羿之鏢明
 離而斃陽鳥未足為難也若搜之常情則無理矣然
 推之以數則無往不通達觀之客宜領其玄致歸之
 冥會則逸義無滯言奇不廢矣

雨師妾在其北雨師謂屏翳也其為人黑兩
 手各操一蛇左耳有青蛇右耳有赤蛇一曰在十日

北為人黑身人面各操一龜

玄股之國在其北髀以下盡黑故云其為人衣魚以魚皮為衣也食

黿驅水鳥也音憂使兩鳥夾之一曰在雨師妾北

毛民之國在其北為人身生毛今去臨海郡東南二千里有毛人在大海

州島上爲人短小面體盡有毛如猪能穴居無衣服
晉永嘉四年吳郡司鹽都尉戴逢在海邊得一船上
有男女四人狀皆如此言語不通送詣丞相府未至
道次唯有一人在上賜之婦生子出入市井漸曉人
語自說其所在是毛民也大
荒經云毛民食黍者是矣

一曰在玄股北

勞民國在其北其爲人黑

食果草實也有一鳥兩頭

或曰教民一

曰在毛民北爲人面目手足盡黑

東方勾芒鳥身人面乘兩龍

木神也方面素服墨子曰昔秦穆公有明德上

帝使勾芒賜之壽十九年

山海經第九終

小面豐蓋亦手咬齧貽穴

直夷丈四入米背咬此言蓋不駁長益

諸自端其祖亦畏果男也大一曰五支

榮男國其北其為人黑食菓草

曰并手男北為人面目平足

東夷人其為人面黃目平足

東夷人其為人面黃目平足

東夷人其為人面黃目平足

東夷人其為人面黃目平足

東夷人其為人面黃目平足

東夷人其為人面黃目平足

山海經第十

晉郭璞傳

明吳琯校

海內南經

海內東南陬以西者

從南頭起之也

甌居海中

今臨海司寧縣即東甌在岐海中也音嘔

閩在海中

音旻其西北

有山

閩越即西甌今建安郡是也亦在岐海中

一曰閩中山在海中

三天子鄣山

音章

在閩西海北

今在新安歙縣東今謂之三王山浙江出其邊

也張氏土地記曰東陽永康縣南四里有石城一曰山上有小石城云黃帝曾遊此即三天子都也

在海中

桂林八樹在番禺東

八樹而成林信其大也番禺今番禺縣

伯慮國

未詳離耳國也番禺今番禺縣

蝦蚌及諸蕪也

彫題國

點混其面畫體為鱗采即鮫人也

北胸國

音劬未詳皆在

鬱水南鬱水出湘陵南海一曰相慮

梟陽國在北胸之西其為人人面長唇黑身有毛反

踵見人笑亦笑左手操管

周書曰州靡髮髯者人身反踵自笑笑則上唇掩其

面爾雅云髣髴大傳曰周書成王時州靡國獻之海內經謂之贛巨人也

長丈許脚跟反向健走被髮好笑雌者能作汁洒中人即病土俗呼為山都南康今有贛水以有此人

因以名水猶大荒說地有域人

兕在舜葬東湘水南其狀如牛蒼黑一角

蒼梧之山帝舜葬于陽

即九疑山也禮記亦曰舜葬蒼梧之野

帝丹朱

葬于陰

今丹陽復有丹朱冢也竹書亦曰后稷放帝朱于丹水與此義符丹朱稱帝者猶漢山陽

公死加獻帝之諡也

汜林方三百里在徃徃東

或作徃徃字同耳

徃徃

知人名其爲獸如豕而人面

周書曰鄭郭徃徃者狀如黃狗而人面頭如雄

雞食之不昧今交州封溪出徃徃土俗人說云狀如豚而後似狗聲如小兒啼也

在舜葬西

徃徃西北有犀牛其狀如牛而黑

犀牛似水牛猪頭在徃徃知人名之

西北庫脚三角

夏后啓之臣曰孟涂是司神于巴人

聽其獄訟爲之神主請訟

于孟涂之所

今斷之也

其衣有血者乃執之

不直者則是血見于衣是

請生

言好生也

居山上在丹山西丹山在丹陽南丹陽居